



Ք Ա Ղ Վ Ա Ծ Ք Ն Ե Ր
ԳԵՐԱԳՈՅՆ ՀՈԳԵԼՈՐ ԽՈՐՀՈՒՐԴ ՆԻՍՏԵՐԻ
ԱՐՁԱՆԱԳՐՈՒԹՅՈՒՆՆԵՐԻՑ

1956 թ. ՀՈՒՆԻՍԻ 8-Ի ՆԻՍՏԻՑ

Գերագույն Հոգևոր Խորհրդի այս նիստում Հոգևոր Ճեմարանի վերատեսուչ պ. Մ. Տեր-Ստեփանյանը զեկույցեց Ճեմարանի 1955—1956 ուսումնական տարվա արդյունքների մասին, ապա խոսեց հաջորդ ուսումնական տարվա խնդիրների վրա, շեշտեց Ճեմարանի վերատեսչի և վերակացուի պաշտոնները ձեռնհաս հոգևորականներով փոխարինելու և ուսանողությանը համազգեստով օժտելու անհրաժեշտության վրա:

Նորին Ս. Օծուխյուն Վեհափառ Հայրապետը գոհունակությամբ հայտնեց Հոգևոր Ճե-

մարանում կատարված աշխատանքների մասին, ապա ծանրացավ ուսանողության թիվը առաջիկայում զգալիորեն ավելացնելու, Ճեմարանի ուսումնական մնայուն ծրագրերի կազմության հարցերի վրա:

Գերագույն Հոգևոր Խորհուրդը որոշեց առաջիկա ուսումնական տարում զգալիորեն ավելացնել ընդունվելիք ուսանողների թիվը ինչպես արտասահմանի, այնպես էլ ներքին բնակից, իսկ նոր ուսումնական տարվանից ունենալ Ճեմարանի ուսումնական կայուն և վերջնական ծրագիր:

1956 թ. ՀՈՒՆԻՍԻ 22-Ի ՆԻՍՏԻՑ

Գերագույն Հոգևոր Խորհրդի սույն նիստում Նորին Ս. Օծուխյուն Վեհափառ Հայրապետը խոսեց Մայր Աթոռի տպարանի մասին: Վեհափառ Հայրապետը ուրախությամբ և գոհունակությամբ հայտնեց, որ Հյուսիսային Ամերիկայի Միացյալ Նահանգների հայ գաղութը, պիսավորությամբ առաջնորդարանի և ազգային մարմինների, ձեռնարկել է 100.000 դոլարի հանգանակության (100.000-ի արշավ) հօգուտ Մայր Աթոռին նվիրվելիք տպարանի:

Գերագույն Հոգևոր Խորհուրդը Նորին Ս. Օծուխյան այս հաղորդումը ընդունեց մեծ գոհունակությամբ:

Ապա Վեհափառ Հայրապետը խոսեց Մոսկվայի հայոց նորարաց Ս. Հարությունյան եկեղեցու վերանորոգման վիճակի մասին:

Սկզբնական շրջանի նյութական դժվարությունները հաղթահարելու նպատակով, որոշվեց Մոսկվայի հայոց եկեղեցական խորհրդին իբր փոխառություն, բացառության կարգով, բաց թողնել 10.000 ռուբլի:

1956 թ. ՀՈՒՆԻՍԻ 29-Ի ՆԻՍՏԻՑ

Նորին Ս. Օծուխյուն Վեհափառ Հայրապետի առաջարկով Գերագույն Հոգևոր Խորհուրդը զբաղվեց Ռումինիայի Հայոց թեմի առաջնորդական տեղապահ գրեկու հարցով: Գերագույն Հոգևոր Խորհուրդը, նկատի ունենալով Ռումինիայի Հայոց թեմի թա-

փուր վիճակը և ընդառաջելով Ռումինահայ թեմական խորհրդի զիմումներին, որոշեց Ռումինիայի Հայոց թեմի առաջնորդական ժամանակավոր տեղապահ նշանակել Մայր Աթոռի միաբան հոգեշնորհ Տ. եղիշե արեղա Սարգսյանին:

1956 թ. ՀՈՒՆԻՍԻ 13-Ի ՆԻՍՏԻՑ

Գերագույն Հոգևոր Խորհրդի սույն նիստում կարգացվեց Մոսկվայի Հայոց հոգևոր հովիվ հոգեշնորհ Տ. Պարզե արեղա Գեորգյանի և եկեղեցական խորհրդի ղեկուցավոր Մոսկվայի Հայոց եկեղեցու վիճակի և եկեղեցու շենքի վերանորոգման հետագա աշխատանքների մասին:

Որոշվեց եկեղեցական խորհրդի կողմից ներկայացված վերանորոգչական աշխատանքների նախահաշիվը հաստատել հետևյալ փոփոխություններով:

Ընթացիկ տարում վերանորոգել եկեղեցու միայն կաուրը, դռներն ու պատուհանները, կատարել դրսի ծեփը և պատրաստել տախտակամած: Մյուս աշխատանքները թողնել հետագայի համար:

Միաժամանակ Գերագույն Հոգևոր Խորհուրդը որոշեց եկեղեցու վերանորոգման անհրաժեշտ աշխատանքների համար Մոսկվայի Հայոց եկեղեցական խորհրդին բաց թողնել ևս 20.000 ռուբլի, որպես փոխառություն:

Մայր Աթոռի միաբան հոգեշնորհ Տ. Խորեն վարդապետ Էլուջյանը նշանակվեց եկեղեցիների վրա իրեն վերահսկել, հանձ-

նարարելով նրան, Նորին Ս. Օծուխյուն Վեհափառ Հայրապետի հրամանով և կարգադրությամբ, պարբերաբար այցելել թեմերն ու եկեղեցիները, ապա ղեկուցել Վեհափառ Հայրապետին:

Գերագույն Հոգևոր Խորհրդի սույն նիստում քննության առնվեց Երևանի Ս. Սարգիս եկեղեցու մուտքի վերակառուցման ծախսերի նախահաշիվը և որոշվեց հաստատել ներկայացված նախահաշիվը և առաջարկել Մայր Աթոռի տնտեսական կառավարչության հսկողություն սահմանել կատարվելիք ծախսերի նկատմամբ:

Նմանապես քննվեց Երևանի Ս. Հովհաննես եկեղեցու բակի պարսպի կառուցման նախահաշիվը և որոշվեց ստուգել այն և ներկայացնել Գերագույն Հոգևոր Խորհրդին:

Ժողովում լսվեց նաև Երևանի Ս. Հովհաննես եկեղեցու հոգևոր հովիվ արժանապատիվ Տ. Վարդան բահանա Գրիգորյանին կենսաթոշակ նշանակելու մասին եկեղեցական խորհրդի միջնորդությունը և որոշվեց արժանապատիվ բահանա հորը նշանակել ամսական 300 ռուբլի կենսաթոշակ սույն թվականի հուլիսի 1-ից:

